



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Antonii Bynaei de Calceis Hebraeorum Libri Duo

**Bynaeus, Anthony**

**Dordraci, 1682**

... quare dicatur?

**urn:nbn:de:hbz:466:1-12835**

insistere atque niti potest homo Christianus. Illud sane quam maxime requiritur ut homo Christianus solida cognitione Evangelii sit instructus, cui tuto insistat ne vacillet. Necessè enim est munitum atque confirmatum esse cognitione doctrinæ, & habere fundamentum. Hoc enim qui caret, omni quasi vento impelli potest, neque ἀντιστῆναι valet ἐν τῇ ἡμέρᾳ τῆς πονηρίας, aut ἅπαντα κερτασάμενος ἕσθαι. Qui vero habet est πεθεμελιώμενος ἔδραϊος ἔ μὴ μετακινόμενος διὰ τὴν ἐλπίδα τῆς εὐαγγελίου, fundatus ἔ firmus, ἔ non dimotus à spe Evangelii, quod Colossenses monet.

Coloss.  
1. 23.

IX. Licet vero non intellexisse videantur interpretes quid sit εἰρημασία τῆς εὐαγγελίου, tamen optime explicarunt quare Evangelium vocetur εὐαγγέλιον τῆς εἰρήνης: Quia nempe annunciat, quomodo pax facta sit per Christum inter Deum & homines, ita ut non tantum inimicitia, quæ olim fuit, cum Deus gentes à se abalienaverat, sublata sit Sanguine Christi, qui ἐλθὼν εὐηγγελίσατο εἰρήνην τοῖς μακρὰν, ἔ τοῖς ἐγγύς, & Deum non tantum

Ephes.  
2. 17.

Ἰη.

*Judæorum, sed & gentium deum esse,* Rom. 3. 29  
 verum etiam Deus sit *ἐν χριστῷ*  
*κόσμον καταλάσων ἑαυτῷ, μή λογι-* 2. Cor. 5.  
*ζόμενθα αὐτοῖς τὰ παρωπώματα αὐτῶν,* 19.  
 adeo ut *δικαιωθέντες ἐν πίστεως,* Rom. 5. 1.  
*εἰρήνην ἔχωμεν πρὸς τὸν Θεὸν διὰ τῆς κρείσ-*  
*τῆς ἡμῶν ἰησοῦ χριστοῦ.* Quod ipsum angeli  
 prædicant qui natum esse Christum  
 Pastoribus Bethlemiticis annunciat-  
 ates, Deum laudant, dicentes: *Δόξα* Luc. 2. 14.  
*ἐν ὑψίστοις Θεῷ, & ἐπὶ γῆς εἰρήνη, ἐν*  
*ἀνθρώποις εὐδοκία.* Quem locum qui-  
 dem ideo adduxi; ut aliqua luce  
 perfunderem. Etenim licet sit  
 tritissimus, & tot hominum erudi-  
 tissimorum commentariis tentatus,  
 tamen est obscurissimus, & potius  
 tenebras offudisse, quam eum illu-  
 strasse tam veteres quam recentio-  
 res interpretes videntur. Inter  
 omnes qui hunc locum explicare  
 conati sunt, solus mihi visus est  
 Johannes Lichtfotus genuinum  
 sensum deprehendisse, cujus hæc  
 brevis est nota. *Hymnum hunc An-*  
*gelicum optime intelligas, si εὐδοκία*  
*ἐν ἀνθρώποις, pro subjecto ponatur,*  
*& reliqua verba pro prædicato: Be-*  
*nevolentia Dei erga homines est*  
*gloria illi in altissimis, & pax in*  
*terrīs.*

Lichtf.  
 Hor. Hebr.  
 in Luc. 2.  
 14.